



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Posebni odjel za ratne zločine
Broj: T20 0 KTRZ 0022595 22
Sarajevo, 24.12.2025. godine

SUD BOSNE I HERCEGOVINE
Odsjek I za ratne zločine
-Sucu za prethodno saslušanje-

SARAJEVO

Na temelju odredbe članka 35. stavka 2. točka i), članka 226. stavka 1. i članka 227. stavka 1. Zakona o kaznenom postupku Bosne i Hercegovine, podižem:

О П Т У Ж Н И Ц У

PROTIV:

- **RADISLAV KRSTIĆ**, rođen 1948. godine u mjestu Nedjeljištima, općina Vlasenica, državljanin BiH i Republike Srbije.

Što je:

Za vrijeme rata u Bosni i Hercegovini, od sredine svibnja mjeseca, pa najmanje do kraja rujna mjeseca 1992. godine na području općine Sokolac u okviru široko rasprostranjenog i sistematičnog napada Teritorijalne obrane Srpske Republike Bosne i Hercegovine u okviru koje je formirana i djelovala i Teritorijalna obrana općine Sokolac, kasnije, Vojske Srpske Republike Bosne i Hercegovine, odnosno Vojske Republike Srpske, (u daljem tekstu VRS), policijskih snaga Ministarstva unutarnjih poslova Srpske Republike Bosne i Hercegovine, Stanice javne sigurnosti općine Sokolac, usmjerenog na civilno stanovništvo, Bošnjake općine Sokolac, svjesno i znajući za taj napad, „{...}” i **osumnjičeni Radislav Krstić komandant 2. romanijske motorizirane brigade** (u daljem tekstu **2.rmtbr.**) VRS, sudjelovali u udruženom zločinačkom poduhvatu sa zajedničkim zločinačkim planom da potpuno etnički očiste selo Novoseoce, općina Sokolac, na način da žene i djecu prisilno deportiraju na teritorij pod kontrolom Armije BiH a muškarce pobiju a koje selo je bilo isključivo naseljeno bošnjačkim

stanovništvom, čiji stanovnici su ranije tokom svibnja i srpnja 1992. godine u dva navrata predali naoružanje koje su imali i iskazali lojalnost vlastima na Sokocu, koja je bila isključivo u rukama pripadnika srpskog naroda, te time svjesno svojim radnjama osobno podržali i doprinijeli njegovom provođenju, „{...}“ svjesni da svojim radnjama učestvuju u pripremi, organiziranju i izvršenju toga plana i realizaciji zajedničkog cilja „{...}“ i **Radislava Krstića**, pristupili realizaciji tog plana na način da je:

U noćnim satima 21.09.1992. godine na 22.09.1992. godine naoružani i uniformirani pripadnici čete Vojne policije i Izviđačke čete 2.rmtbr. VRS, a po naredbi „{...}“, vojnim vozilima došli u neposrednu blizinu sela Novoseoci te opkolili sa tri strane selo Novoseoce, nakon čega su u jutarnjim satima prišli i ušli u samo selo te nezakonito lišili slobode sve civile Novoseoca, uključujući starce, žene i djecu, na način da im je izdata naredba da iziđu iz njihovih kuća a kuće ostave otvorene i okupe se na proplanku Metaljka, iznad sela u blizini kuće „(...)“, gdje su opkoljeni od strane naoružanih pripadnika VRS, da bi „{...}“ naredio da se preda oružje, te nakon što je od okupljenih civila dobio odgovor da u selu nema oružja, nedugo potom putem motorole je dobio poziv i naredbu od **Radislava Krstića** da zajedno sa „(...)“ koji je tad iz Sokoca stigao nadomak sela, krene na lokalitet zvani Buljukovina iznad sela Novoseoci na kojem su se nalazili „(...)“, **Radislav Krstić**, „{...}“ kojom prilikom je komandovanje i rukovođenje napadom nad zarobljenim i opkoljenim civilima bošnjačke nacionalnosti preuzeo „(...)“, da bi se na lokalitetu Buljukovine, nakon kraće rasprave, koja se odnosila na daljnu sudbinu zarobljenih civila sela Novoseoci, među prisutnima oglasio „(...)“, te koristeći svoj položaj i autoritet, prenosi komandantu brigade **Radislavu Krstiću** svoj stav da se prethodno zarobljene žene i djeca iz Novoseoca deportuju za Sarajevo, a zarobljeni muškarci pobiju, da bi se **Radislav Krstić** zajedno sa „(...)“, suprotno svojim ovlastima i obvezama, suglasili sa tim stavom, da bi potom **Radislav Krstić** naredio „(...)“ da se vrati u Novoseoce i realizira na terenu dogovoreni plan i cilj u vezi sa zarobljenim civilima bošnjačke nacionalnosti sela Novoseoci što je „(...)“ i učinio, te se po povratku u Novoseoce vraća do lokacije Metaljka gdje su i dalje bili zarobljeni i opkoljeni civili iz sela Novoseoci te se pristupa razdvajanju muškaraca od žena i djece, sukladno dogovorenom planu, zatim naređuje ženama sa djecom da krenu do svojih kuća, koje su u međuvremenu opljačkane od strane prisutnih vojnika u selu, pripadnika Vojne Policije i Izviđačkog voda, uzmu najnužnije stvari, i upute se prema autobusu koji je u međuvremenu stigao u selo i koji je bio parkiran kod seoske džamije, kako bi bili deportirani u Sarajevo, što žene i čine, izuzev civila, starice „(...)“ kojoj je nešto ranije istog dana od strane „(...)“ za vrijeme dok je efektivno rukovodio napadom i podređenim mu jedinicama zamijenjujući „(...)“ dok je on bio po pozivu **Radislava Krstića** odsutan, pod izričitom prijetnjom da će svi biti pobijeni, naređeno da dovede svog muža „(...)“ u ostavljenom vremenskom roku, a koji je nedostajao na tom lokalitetu Metaljka, što je „(...)“ i poslušala i uputila se u pravcu seoske džamije da bi je bez ikakvog razloga života lišio „(...)“ pripadnik izviđačke čete 2.rmtbr VRS, a sa čime je odmah upoznat „(...)“ kao i svi prisutni kako vojnici tako i zarobljeni i opkoljeni civili, pucajući u nju iz automatskog oružja, dok „(...)“ po povratku sa lokaliteta Buljukovina muškarcima civilima govori da će ići na radnu obavezu, obmanjujući iste svjesno i znajući za njihovu buduću sudbinu, te na terenu na samo točno njemu poznat način određuje grupu vojnika 2. rmtbr.VRS, pripadnika vojne policije i izviđačke čete među kojima i „{...}“ i točno neodređen broj drugih vojnika, koji su, nakon što su žene i djeca ušli u autobus koji je pod pratnjom vozila pripadnika civilne policije nad kojima je ovlasti imao „(...)“ sproveden iz sela u pravcu grada Sokoca i dalje prema teritoriji pod kontrolom Armije BiH, nedugo potom, sve u popodnevnim satima, sjeli u teretna motorna vozila i vojno vozilo pincgauer, svjesno i znajući da ih sprovode radi ubijanja, naoružani automatskim oružjem sudjelovali u sprovođenju dva vojna kamiona sa ceradom u koje su prethodno protiv svoje volje ušli 44 muškarca civila iz Novoseoca, do smetljišta na Ivan polju, općina Sokolac, udaljenom oko 6 kilometara od Novoseoca u pravcu Rogatice, da bi pripadnici navedene grupe predvođeni „(...)“, nakon što su se vozila zaustavila na samom smetljištu na Ivan Polju, na uskom makadamskom putu, naredili muškarcima iz prvog vojnog kamina da iziđu i pješke se upute do nekoliko desetina metara udaljenog ruba vrtače na smetljištu, istovremeno naoružani automatskim oružjem spriječavali njihovo bjekstvo, raspoređujući se sa strane

i iza njih, te nakon toga zajedno sudjelovali u lišenju života izvedenih muškaraca civila bošnjačke nacionalnosti pucnjevima iz automatskog naoružanja, da bi nakon toga izveli muškarce iz drugog vojnog kamiona, a zatim ih doveli do približno istog mjesta kao i prvu grupu, te na isti način lišili života i drugu grupu muškaraca civila bošnjačke nacionalnosti, a ukupno u njihovim tijelima je završilo 178 hitaca iz automatskog oružja, gdje je prosječno svaki od njih primio 4 hica, neki od njih čak 8, te kada je pucnjava prestala pripadnik izviđačke čete „(...)“ je pojedinačnim hicima iz pištolja „ovjeravao“ civile, muškarce pucajući u predjelu lobanje streljane civile, te su na taj način streljali 44 muškarca, civila, prouzrokovavši smrt svih 44 muškarca i to: „{...}“, da bi tijela 42 streljana muškarca, civila bila pronađena tokom 2000. godine na smetljištu Ivan Polje, zatrpana ispod naslaga smeća i ruševina novoseočke džamije, srušene po naredbi **Radislava Krstića** dana 30.09.1992. godine, a čiji ostaci su doveženi na smetljište, dok je tijelo „(...)“ pronađeno 2011. godine u grobnici 450 metara udaljenoj od smetljišta, gdje je sklonjeno tokom rata radi prikrivanja zločina, dok tijelo „(...)“ ni do danas nije pronađeno.

Dakle, u okviru širokog i sistematičnog napada vojske i policije Republike Srpske, znajući za takav napad, i da njegove radnje čine dio tog napada, planirao, naredio, počinio, podstrekavao i pomagao u planiranju, pripremanju, činjenju i prikrivanju kaznenog djela Zločin protiv čovječnosti progonom kroz prisilno preseljenje stanovništva, namjerna lišavanja drugih osoba života (ubijanja), uništavanje i pljačku pokretne i nespokretne imovine bez vojne nužde, te rušenje vjerskog objekta, pri tome svjesno i voljno učestvujući u realizaciji zajedničkog zločinačkog plana prvih ljudi vojne, civilne i policijske vlasti općine Sokolac, čiji je cilj bio da se Bošnjaci sela Novoseoci protjeraju sa teritorije pod kontrolom srpskih vlasti.

Čime bi, osumnjičeni počinio kazneno djelo Zločini protiv čovječnosti iz članka 172. stavak 1. točka h) u vezi sa točkama a) i d) KZ BiH, a sve u svezi, sa člankom 180. stavak 1. i člankom 29. 30. i 31. istog Zakona.

TUŽITELJ

TUŽITELJS TV A BiH